

# 令示

## 大總統令各部及衛戍總督暨各都督

中華民國臨時大總統令臨時政府成立政事上一種公布性質宜有獨立機關經營以收其効則發行公報是也東西洋各國莫不有之茲經委令創設經始出版應令各行政機關咸有購閱該報之義務除將暫定則例登載該報一律照辦外爲此令該部都督衛戍總督知照並通飭所屬一體遵照此令

呈副總統 咨各省都督 普通教育暫行辦法及課程標準

中華民國教育部總長蔡爲 咨 呈 送事案照本部前擬普通教育暫行辦法十四條 電陳 通電

貴鈞案 並聲明印文課程表隨發在案茲經規定普通教育暫行課程之標準十一條將

小學中學師範學校各種課程表分別插入至各地方風土財力以及種種關繫之不同或有不能不酌量變通者業將可以變通之處一一明載條文仍俟將來規定完全學制頒布遵定爲此連同前此電開辦法十四條印刷齊全備文 咨 呈 送即乞飭發所屬轉發

各學校一體遵行實爲公便須至咨者

計開

### 普通教育暫行辦法十四條

一從前各項學堂均改稱爲學校監督堂長應一律改稱校長

一各州縣小學校應於元年三月初四日（陰歷壬子年正月十六日）一律開學中學校初級師範學校視地方財力亦以能開學爲主

一在新制未頒行以前每年仍分二學期陽歷三月開學至暑假爲第一學期暑假後開學至來年二月底爲第二學期

一初等小學校可以男女同校

一特設之女學校章程暫時照舊

一凡各種教科書務合乎共和國宗旨清學部頒行之教科書一律禁用

一凡民間通行之教科書其中如有尊崇滿清朝廷及舊時官制軍制等課並避諱拾頭字樣應由各該書局自行修改呈送樣本於本部及本省民政司教育總會存查如學校教員遇有教科書中不合共和國宗旨者可隨時刪改亦可指出呈請民政司或教育

通知該書局改正

一 小學讀經科一律廢止

一 小學手工科應加注重

一 高等小學以上體操科應注重兵式

一 初等小學算術科自第三學年起應兼課珠算

一 中學校為普通教育支實不必分科

一 中學校初級師範學校均改為四年畢業惟現在修業已逾一學期以上驟難照改者  
得照舊辦理

一 舊時獎勵出身一律廢止初高等小學畢業者稱初高等小學畢業生中學校師範學校畢業者稱中學校師範學校畢業生

普通教育暫行課程標準

第一條 初等小學校之學科目為修身國文算術遊戲體操

視地方情形得加設圖畫手工唱歌之一科目或數科目

女子加課以裁縫

第二條 初等小學校各學年每週各科教授時數如下

第一學年 第二學年 第三學年 第四學年

修身 二 二 二 二

國文 十 十二 十五 十五

算術 五 六 六 六

遊戲體操 四 四 四 四

圖畫

手工

裁縫

唱歌

合計 二一 二四 二七 二七

加設圖畫手工唱歌之一科目或數科目時每週各科目課一時間其時間可減他科

目之時間以充之

女子加課裁縫宜在三四學年每週得課二時間可減他科目之時間以充之或在合計時間數外增課之

第三條 高等小學校之學科目爲修身國文算術中華歷史地理博物理化圖畫手工體操（兼遊戲）

女子加裁縫

視地方情形得加設唱歌外國語農工商業之一科目或數科目

第四條 高等小學校各學年每週各科教授時數如下

	第一學年	第二學年	第三學年	第四學年
修身	二	二	二	二
國文	十	十	十	十
算術	四	四	四	四
中華歷史地理	五	五	五	五

博物理化

二

二

二

二

圖畫

一

一

二

二

手工

一

一

女男  
一一

女男  
一一

裁縫

二

二

三

三

體操

女男  
二三

女男  
二三

女男  
二三

女男  
二三

唱歌

外國語

農工商業

合計

男二八  
女二九

男二八  
女二九

男三〇  
女三一

男三一  
女三一

加設外國語及農工商業之一種宜在第三四學年外國語每週得課四時間農工商業之一種得課一時間或二時間其時間皆得減他科目之時間以充之

加設唱歌時每週得課二時間其時間得減他科目之時間以充之或在合計時間數

外增課之

第五條 中學校之學科目爲修身國文外國語歷史地理數學博物理化圖畫手工法  
制經濟音樂體操女子加家政裁縫  
(未完)

中華民國財政部爲

出示曉諭事案奉

大總統命令南京爲民國首都亟應整頓金融以圖都市之發達業經籌撥鉅款開辦中國銀行發行劃一貨幣惟目前軍需孔亟應先發行南京軍用鈔票以維持市面而協助餉糈着財政部速籌辦理等因奉此當由本部督飭製就此項軍用鈔票自本日起始頒發行用合卽出示曉諭仰軍民人等遵照後開條款一律通用毋違特示

計開

- 一本鈔票名南京軍用鈔票
- 一本鈔票由本部擔保發行
- 一本鈔票分一元五元兩種
- 一本鈔票發行總額以一百萬元爲限

一本鈔票鈐有本部印信文曰中華民國財政部之印

一本鈔票自發行之日爲始經三個月後准持票到南京中國銀行兌換通用銀圓


一本鈔票凡納捐上稅一律照收

一本鈔票凡銀行錢莊商店均須一律行使如有阻難折扣情弊一經查出嚴罰不

貸

一本鈔票嚴防偽造業由本部派出稽查員多名慎密查訪如有查出製造或使用

偽票者無論何人准卽解送各該管官廳從重究辦



電報



幫辦直東防務大臣張鑒文電悉初聞執事固執今乃知其不然南北一致贊同共和則內憂外患無難消弭執事所論亦卽文之所懷然非立使清帝退位宣布共和更無解決之方法袁內閣陷於危困乃復猶豫於理於勢俱萬不可切實進行惟在公等之援助耳至彼此協商辦法日前已電袁公文但求達我共和之目的無所私執公既洞明大局於間不容髮之際請速圖之孫文叩

(萬急南京去電)



信陽州統制王占元濟南統制張永成大同府統制何宗蓮河南統領張士鈺南苑統制張殿儒北京毅軍姜桂題軍門天津張懷芝軍門穎州朱家寶倪嗣冲新民府潘統制公鑒民國義軍本爲四萬萬人謀幸福不得已而訴諸武力近與袁內閣切商清滯退位辦法已有成言而爲滿洲少數皇族所把持挾制遂令內閣爲難陷於危困南北本是一家豈肯爲彼少數人之私而流血民國政府但圖共和成立救同胞於水火他無所戀天下之事將與公等共之今日段公芝泉亦聯銜奏請共和可見漢族同胞人人同此心理所企一致進行無復猜貳轉敵爲友實在今日否亦在今日請熟思而審處之幸甚中華民國臨時大總統孫文叩豔

(南京去電)

萬象南京臨時大總統孫鑿豔電敬悉段公聯銜奏請共和芝已認可並固執已見但自武漢起事以來南省商民被擾甚多地方糜亂不堪良器具政治思想者在改革政治而假託者則以擄掠爲事此固毋庸深諱想公之才識人所共仰試將吾國人民程度細加體察自非有正當辦法不可竊謂中國今日推倒清政府易而平亂難抵制列強尤難一或不慎則瓜分之禍立見由公自海外歸來原爲同胞謀幸福設因此而召瓜分之

禍公豈肯出此且兵連禍結已非一日若再遲延不惟中國商民窘困不支洋商損失亦鉅外人干涉自在意中審時度勢頗覺危險當此莫若留君之口以備化除滿漢留袁公之手以備削平擾亂來電謂但圖救同胞於水火芝亦國民也固惟以救民爲急別無他意邇見牛靈塗炭不勝焦憂敢布區區惟公鑒察所陳利害請思之公既知袁內閣爲難陷於危困卽請代籌切實辦法尙祈示知再行商酌幫辦直東防務大臣張懷芝文天津電去電桂林陸都督榮廷鑒北伐之軍要選精銳執事勇敢無前貴部亦早有名譽若得爲國前驅滿地當不足平惟西粵倚執事如長城或不必親行祇遣精隊北伐亦足以張我軍旅專復孫文勳

北京喀爾沁親王喀爾喀扎薩克和碩親王(名彥圖)那科爾沁輔國公(迪蘇)博暨蒙古諸王公各台吉均鑒漢蒙本屬同種人權原自天賦自宜結合團體共謀幸福況世界潮流所趨幾於大同若以芸芸衆生長聽安危於一人既非人道之平抑亦放棄天職今全國同胞見及於此群起解除專制并非仇滿實欲合全國人民無分漢滿蒙回藏相與共享人類之自由究之政體雖更國猶是國故稍有知識之滿人亦莫不贊同恐後諒諸

公明達必表同情文以薄德謬膺臨時總統之舉上述各意已一再宣佈蒙地遼遠或未盡悉而俄人野心勃勃乘機待發蒙古情形尤爲艱險非群策羣力奚以圖存夙仰貴王公等關懷時局眷念桑梓際茲國勢阽危浮言四煽西北秩序端賴維持祈將區區之意遍告蒙古同胞戮力一心共圖大計務堅忍以底成勿誤會而僨事并請速舉代表來甯參議政要不勝厚望中華民國大總統孫文勳

北京駐京蒙古那王博公兩先生鈞鑒中國困於專制國勢日憊外侮頻仍邊疆日蹙先生有鑒於此以爲強國必先籌邊故在蒙古辦理實業公司提倡小學教育在北京組織殖邊學堂爲蒙藏作人材愛國愛鄉至朮至摯生等沐教三年愧無以報方今革故鼎新合漢滿蒙回藏五大民族爲一共和國家各省民志已趨於同惟蒙藏地阻情岐尙未聯合近聞外人對於兩地狡焉思逞際此危急正先生所以報國家而生等所以報先生之時現新政府聯合蒙藏一視同仁取消舊時理藩不意之名而組織一蒙藏經理局於內務部爲對蒙藏中央行政機關一面以保全領土爲國際宣言杜外人之野心務望本愛國初意勸導蒙藏同人戮力齊心共謀幸福竊思清廷自且不保遑可恃以爲安西北安

(0077)

危生等固當與先生共之聞政府將派有聯絡使來蒙蒙亦應速派代表南來雙方結合

始爲完善中國前途幸甚殖邊學生團受業唐彥保蕭徵燕丕基蕭颺曾等叩勸

南京去電

孫大總統鈞鑒京保團體闡舉程家樞劉幸到甯面稟江紹貽劉祝波灰

(天津來電)

南京孫大總統鑒共和國全賴先生偉力組織而成蒞任改元同人等謹免冠祝曰  
偉哉孫君姓氏允揚首倡革命聲指穹蒼經猷特具奠我土疆生彼偉人漢族之光凡後  
電令錕輿中會同人先後回粵流離無亮得蘇卓南維持其間我輩得暫所託望示辦法  
以得供復興中會同人宗少東溫至山楊香甫蘇卓南同叩

(廣東來電)

孫總統鑒來電敬悉嶺南同盟會並無於光復岫軋轢事情謹覆以慰廛念同盟會廣東

支部請叩艷

(廣東來電)

孫大總統鑒從前繳尊處所發南方委任狀乃運動革命權內之計今各省已反正自應  
統受各該省都督號令方成政體不應援昔日委任狀爲詞卽祈電粵將從前委任狀稱  
某某部都督者取銷以免有恃無恐卽盼粵都督陳炯明民軍總務黃世仲感

(廣東來電)

大總統陸軍部長鑒辱電褒勉並派李君來蘇慰問感愧交縈之潔何人敢謂熱忱愛國

惟平日心跡坦白無他名譽固不願犧牲責任尤不敢放棄知我罪我並無居心既受一次之虛驚或可增一分之胆力此後益當堅忍自勵冀消疑忌仰副厚望謹此鳴謝蘇軍統制劉之潔叩儉

(蘇州來電)

大總統鈞鑒敬電誦悉每省派參謀員三人俄根據臨時政府組織大綱現派陳凌楊三君本係代表江蘇全省江北地方情形自可代達請轉電江北蔣都督該處如有關係地方困苦之事可隨時轉告陳凌楊三君江蘇代都督莊蘊寬印

(蘇州來電)

孫大總統鑒電悉宜昌鹽厘抵借英德商款原每年係一百兩嗣因收不敷解滿清部議改爲七十五萬兩餘數大約係由中央指撥湊足然此項抵款亦雖就近解交稅務司其實清政府仍於別項收欸撥補鹽釐以濟鄂用至准鹽總局應交之欸係由督銷局將應解鄂釐撥交稅務局而鄂省又將應解鄂省一半川鹽加課扣除互抵現在民國對於滿政府債約在義師未起以前者自應承認但鄂省川准鹽釐名義上爲抵押品實際上仍不失爲鄂省進項將來籌議歸還仍請中央政府統籌全局辦理所有欠解數目皆係各該局就近撥解關於宜昌川鹽欠解數目已電飭委員查復其准鹽督銷本係鄂省管

轄卽請飭令調查承詢特復元洪敬印

(武昌來電)

孫大總統鑒新政府成立總統得人本會全體公認張君永福爲代表來甯祝賀星同盟會長陳楚阿全體

(星加坡來電)

大總統蘇州莊都督鈞鑒前奉大總統寒電江北民政總長一席應由尊處地方公舉當卽通電淮楊徐海通海各縣各派代表來浦准於元月二十八日公舉茲奉總統宥電擇江蘇參議員凌文淵等來函江北民政總長遺缺如何選舉或委任請與莊都督交涉而最近之海門睢寧宿遷及阜甯山陽海州清河安東等縣業已遵示各派正式代表投文到浦計二十七日到者更多擬展期二日候示舉行乞莊都督電後再行投票公舉以符各縣渴望共和之盛心江北蔣雁行宥

(清江來電)

孫大總統鈞鑒昨已陳述贛省困難情形無同志者佐理其間蒙面允介紹軍政各種人材以資臂助感佩無極鐵城等卽赴滬編制細則希卽示下並請通知胡漢民君以便隨時指示方針爲禱吳鐵城蔡公時黃席珍叩感

(下關來電)

火急大總統鈞鑒聞參議員陳承澤辭職經道仁等公同推舉直電張繼君充任此職查

衆議員資格不必需定本省之人張繼爲閩中人士所推服舉以代表閩省實符衆望謹  
此奉聞應賜查照閩都督孫道仁政務總長彭壽松叩沁

(福州來電)

## 紀事

### 衛戍總督徐紹楨呈報啟用印信

衛戍總督爲呈報事竊紹楨蒙

大總統委任南京衛戍總督旋於正月十四日奉

令派員資送印信一顆遵卽敬謹祇領卽日啓用除移行外理合將啓用南京衛戍

總督印信日期呈報

鈞府鑒核爲此具呈伏乞

照驗施行須至呈者

### 陸軍部申報啟用關防

陸軍部爲申報事竊照臨時政府成立組織各部本部於正月初九日奉鈞處頒發木質  
關防一顆敬謹受領業於卽日啓用合將任事及啓用關防日期具文申報卽祈 照驗

施行須至申者

財政部呈報收到印信啟用日期由

本部奉到

頒給印信一顆文曰中華民國財政部之印謹於本日啓用布告成立辦公處暫行附設尊府內理合呈明

交通部呈報啟用印信日期由

中華民國交通部 爲

呈報專案本月二十三日奉到

大總統令並頒發印信一顆文曰中華民國交通部之印遵於二十六日敬謹啓用爲此

呈報

鈞案仰祈

察核施行

右呈



大總統



## 本報暫定則例

- 一 本報爲臨時政府刊行故定名爲臨時政府公報
- 二 本報以宣布法令發表中央及各地政事爲主旨
- 三 本報暫定門類六曰令示曰電報曰法制曰紀事曰抄譯外報曰雜報  
其子目見前
- 四 本報日出一冊如遇國家紀念日政府停止辦公時本報亦休刊一日
- 五 政府對於各地所發令示或宣布法律凡載登本報者公文未到以本報到後爲有效

- 六 凡各官署皆有購閱本報之義務唯具印文請領者皆照定價五折徵納餘另詳前價目表

 **本報特白** 

本報因開辦伊始發布各件不多故報材未富自  
後政令日繁表示自夥應儘所有掲載固無葉數  
多寡之限制也

特白